

Суорун Омоллоон

Чиэһинэй быһыы

Куока оскуолатыттан соруудахтаах. Кини быйыл сайын 25 күтэри өлөрүөх тустаах.

Биирдэ Куока, хапкааннарын кэрийэн көрөн баран, атын алааска барда. Ол алааска кэлбитэ, тыа саҕатыгар холкуос сылгылара сылдыар эбиттэр.

Бу алаас булгунньахтаах. Ол булгунньах аттыгар бадарааннаах күөл баар. Кини онно баран истэ. Булгунньах аттыгар кэлбитэ, арай биир кулун, кистии-кистии, соҕотоҕун сүүрэ сылдыар. Кулун, үөрбүт курдук, кини диэки утары сүүрэн кэллэ. Куока: "Тоҕо кэлэрий?" – дии санаата. Кини ол-бу диэки тула көрдө. Арай көрбүтэ бадараанна биир биэ батыллан сытар эбит. Манан биэ бүтүннүү хара, бадараан буолан хаалбыт.

Куока үс хапкааны, биэс күтэри тутта сылдыар этэ. Онтукаларын ыһыктан кэбистэ. Түргэнник биэбэ сүүрэн тийдэ. Тийэн кутуругуттан тардыалаан көрдө. Биэ, кыратык мөхсөн көрдө да, бадараантан кыайан тахсыбата.

Куока ыксаата. "Ким эмэ баара буолаарай?" – дии санаан, кини тула көрдө. Ким да көстүбэт. Арай биир ыт сылдыар эбит. Бу ыт кини хапкаанын диэки кэллэ. Кэллэ да, хапкааннары биэс күтэрдэри ытыран баран, сүүрэ турда.

Куока тугу гыныан булбата. Ыттан күтэрдэри былдыахха дуу, биэни өрүһүйүөххэ дуу? Онтон ыт диэки барбакка, холкуос бөһүөлэгэр сүүрдэ.

Кэлэн бэрэсэдээтэлгэ тыллаата.

Бэрэсэдээтэл холкуостаахтары илдьэ кэллэ. Биэни начаас хостоон таһаардылар. Биэ, тахсаат, кистээтэ. Онно кулун, кистии-кистии, утары сүүрэн кэллэ. Кинилэр иккиэн үөрдэрин диэки сиэлэ турдулар.

Куока кутэрдээх хапкааннарын көрдүү дьэ барда. Киниэхэ холкуос уон хапкааны бириэмийэ биэрдэ.

Куока бу быһыыта "Чиэһинэй быһыы" диэн ааттанан оройуон хаһыатыгар хайҕанан тахсыбыта.